



Comune di Quartu Sant'Elena  
Comunu de Quartu Sant'Aleni

# In Biblioteca si chistionat de Paesàgiu

Duas diis de atòbius, arrexonadas e dibatas, paris cun espertus natzionalis, in contu de chistionis de paesàgiu de una mirada stòrica e giuridica. Su Comunu de Quartu promovit su cunvènniu 'Paesaggio: percezione e realtà dei luoghi. Storia pubblica delle comunità'.

S'initziativa est in programa cenàbara, su 21 de làmpadas 2024, de is oras 17.30, e sàbudu, su 22 de làmpadas 2024, a mengianu de is oras 10.00, in sa Biblioteca comunali tzentrali in bia Dante 66.

Su primu atòbiu, cenàbara 21, tenit comentis sutatìtulu "Paesaggio: strumenti, metodi, forme". Cun su coordinamentu de Roberto Ibba, ndi pigant parti su Procuradori Generali de Casteddu Luigi Patronaggio, su Diretori de s'Archìviu de Stadu de Casteddu Enrico Trogu, Gabriella Bonini, PhD de s'Universitàdi de Modena e Reggio Emilia, Carlo Tosco e Alessandro Panicco de su Politécnicu de Torino, Annunziata Berrino de s'Universitàdi de Napoli Federico II e Cristina Ornano de su Tribunali de Casteddu.

Sàbudu 22 su segundu atòbiu, "Ambiente e storia pubblica delle comunità", coordinau de Emanuela Locci e previdit is relatas de Manuel Vaquero Piñeiro de s'Universitàdi de Perugia e Francesca Giommi de s'Universitàdi Milano-Bicocca, de Stefano Mais, Marco Cadinu e Stefano Pira de s'Universitàdi de Casteddu, de Annalisa Colombu de Legambiente.